



Na osnovu člana 69. stav 2. e) i 70. st. 1. 4. i 6. Zakona o javnim nabavkama („Sl. glasnik BiH“, broj 39/14), u otvorenom postupku za nabavku i isporuku roba za skladište Grada Zenica, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak javne nabavke za nabavku i isporuku roba za skladište Grada Zenica, iz razloga što je cijena prihvatljive ponude znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-7156/22 od 30.03.2022. godine. Obavještenje o nabavci broj: 1355-1-1-80-3-56/22 objavljeno je na Portalu javnih nabavki dana 01.04.2022. godine.

Procijenjena vrijednost za predmetnu nabavku iznosila je 6.400,00 KM bez PDV-a.

Ponuda ponuđača TD „NOVA TRGOVINA-S“ d.o.o. Kakanj ne ispunjava uslove propisane tačkom 3.3. tenderske dokumentacije. Ponuđač je dostavio jednu potvrdu o uspješnoj realizaciji ugovora JU DOM-PORODICA broj: 01-742/22 od 25.04.2022. godine koja je obična kopija – print u boji, dok je tačkom 3.3. tenderske dokumentacije propisano da potvrda o uspješnoj realizaciji treba da bude original ili ovjerena kopija. Shodno navedenom ponuda ponuđača TD „NOVA TRGOVINA-S“ d.o.o. Kakanj se odbacuje u skladu sa članom 68. stav 4. tačka i) Zakona o javnim nabavkama.

Ponuda ponuđača “DEFTER” d.o.o. Sarajevo u vrijednosti od 8.347,30 KM znatno premašuje procijenjenu vrijednost nabavke koja je iznosila 6.400,00 KM bez PDV-a.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.



POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-7156-2/22

Datum: 10 -05- 2022

DOSTAVLJENO:

- 2 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:

Fuad Kasumović

